

Siunnersuut: Nioqutissanik eqqussineq annissuinerlu pillugit Inatsisartut inatsisaata allannguutissaatut Inatsisartut inatsisaat

(Aningaasaqarnermut, Aatsitassanut Nunanullu Allanut Naalakkersuisoq)

Akissuteqaat

(Aningaasaqarnermut, Aatsitassanut Nunanullu Allanut Naalakkersuisoq)

Pingajussaaneerneqarnera

Nioqutissanik eqqussineq annissuinerlu pillugit Inatsisartut inatsisaata allannguutissaatut siunnersuut, Inatsisartut kajumillutik suliarisimammassuk Naalakkersuisut sinnerlugit qujavunga.

Siunnersuut tapersorneqartoq, nuannaarutigalugu malugineqarpoq.

Taamatullu inatsisissatut siunnersuutip pingajussaaneerneqarluni saqqummiunneqannginnerani, allannguutissatut siunnersuummik Inatsisinut Ataatsimiititaliap saqqummiussaanut qujarusuppunga. Allannguutissatut siunnersuutip, nioqutissanik eqqussinermi annissuinermilu nakkutiginninnerup nukittorsarneqarnissaanut naammassiuminarsarnissaanullu siunnersuutip siunertaa naapertoraa Naalakkersuisut isumaqarput, taamaattumillu isumaqatigalugu.

Taamatut oqaaseqarlunga siunnersuutip saqqummiunneqartup aaqqinneqarnissaa, Inatsisinut Ataatsimiititaliap allannguutissatut siunnersuut saqqummiussaa ilanngullugu Naalakkersuisut sinnerlugit aalajangigassanngorpara.